

## Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET  
SAGA-||RVM SECVNDÒ RECOGNI||tus, & auctior redditus.||  
An, & quanta fides ijs adhibenda sit?||**

**Binsfeld, Peter**

**Avgvstae Trevirorvm**

**VD16 B 5530**

3. Conclusio, Magi, vel Malefici virtute Dæmonis, nec se, nec alios homines verè & realiter possunt transformare in lupos, cattos, vel aliam quamcunque bestiam.

**urn:nbn:de:hbz:466:1-41113**

rerum omnium creatione & productione. Atque tunc suo imperio, quod nulla creatura immutare potest, virtutem & naturam naturalibus agentibus indidit, ut suos effectus producant. Unde sicut de terra dixit: Germinet herbam virentem, & non hominem: Ita de homine: Crescite & multiplicate, ut in Genesi scriptum est. Sicut ergo terra germinat herbam virentem: ita homo hominem, & ignis ignem producit. Ex hac Conclusione sequitur.

3. Conclusio, *Magi, vel Malefici virtute Dæmonis, nec se, nec alios homines verè & realiter possunt transformare in lupos, cattos, vel aliam quamcunque bestiam.*

**H**AEC Conclusio non solum est vera secundum veram philosophiam: sed etiam fidei veritatem, ita ut si quis cum pertinacia contrarium credat aut dicat, sit hæreticus & infidelis. Dictum (verè & realiter) quia per illusionem & apparentiam benefit. Conclusio est contra Ioannem Bodinum, lib. 2. de Magorum Dæmonomania, cap. 6. & alios ab eo citatos. Ipse enim multis exemplis probare intentit, Lycanthropiam, ut vocat, id est, transformationem hominis in lupum: nostra autem Conclusio est in contrarium; & eam tradit August.

August.lib. 18. de Ciuit. Dei, cap. 17. & 18. vbi  
expresse tenet omnia talia fieri phantasticè  
& per præstigias; & sic soluit fabulas illas ex  
Varrone & poëtis de socijs Vlyssis mutatis in  
bestias, & à Circe & Arcadibus in lupos con-  
uersis. Chrysost.hom.29.in Matth.tom.4.S.  
Thomas I.par.q.114.art 4.ad 2.S.Bonavent.lo-  
co citat. Franciscus Victoria in Relect. de arte  
Magica propè finem. Alfonsus à Castro lib.1.  
de iusta hæretorum punitione cap.14. Bar-  
tholomæus Spineus sacri Palatij Magister, in  
q.de strigibus, cap.8. Malleus malefic.1.par.q.  
10.& alibi. Iosephus Angles in floribus Theo-  
logicarum quæst.ad Sixtum V.1.part.in 2.sen-  
tent.in q.vnica de arte Magica, diffic.9.Ioan.à  
Turrecremata in 26.q.5.cap.Episcopi. Ulricus  
Molitor in dialogis de Pythonicis mulieribus  
ad Sigismundum Archiducem Austriæ, cap.  
10.determinatione 3. quare malè eum Bodin  
nus pro se allegat. Lambertus Danæus in Dia-  
log.de sortiarijs, ca. 3. Paulus Grillandus Iu-  
risconsultus in lib.de diuersis criminibus lib.  
2.desortilegijs, q. 7. cuius opera sunt in volu-  
mine 4.Oceani Iuris. Ethæc veritas expresse  
definitur in d.cap.Episcopi: his verbis, Quis  
quis credit posse fieri aliquam creaturam, aut  
in melius, aut in deterius commutari, aut træs-  
formari in aliam speciem, vel in aliam simili-  
tudinem, nisi ab ipso creatore, qui omnia fecit  
& per quem omnia facta sunt: procul dubio

N 5      in

infidelis est, & pagano deterior: & ibidem  
in cap. Nec mirum, ex Augustino de Ciuitat.  
Et probatur evidentia ratione. Si homo potest  
transmutari in cattum, lupum, aut aliam be-  
stiam; aut mutatur, secundum corpus vel ani-  
mam, aut secundum vtrumq;. Si primum: er-  
go talis homo moritur, quia mors nihil aliud  
est, quam separatio animæ à corpore. Si mo-  
ritur: ergo non potest operatione Dæmonis  
coniungi iterum anima cum corpore, hoc e-  
nim est opus diuine potentie: Dominus enim  
mortificat & vivificat. Si secundum dicatur,  
ita ut fiat transmutatio totius in totum: ergo  
homo desinit esse, quando incipit esse bestia,  
quia generatio unius, est corruptio alterius:  
ergo de novo creatur homo, quando bestia re-  
dit ad naturam hominis, nec est idem numerus  
homo, qui erat prius: & alias sequuntur falsa  
contra veritatem & fidem.

Quod ergo de hominum in lupos, aut alias  
bestias conversione refertur, nihil veritatis  
habet, & omnino ridiculum est, quod scribit  
de se Lucianus in dialogo deasino, nimis  
quodcum in Thessalia discendit Magi & causa  
versaretur, mutatus fuerit in asinum, cum fieri  
optasset quis. Non enim hoc dixit, quia itaveret  
putaret, sed quia talibus argumentis delecta-  
batur. Simile est quod Apuleius in lib. de ali-  
no aureo narrat sibi accidisse, quod veneno  
accepto, humano animo permanente, Ainus  
ficeret.

fieret. Sic Ouid. lib. 1. Metamorph. Lycaonem  
Arcadiæ regem, à lione in lupum ob sua scelera  
mutatum finxit. ubi sic loquitur.

*Colligit os rabiem, solit & q[uod] cupidine cades.*

*Vtitur in pecudes, & nunc quodq[ue] sanguine gaudet.*

*Fit Lupus, &c.*

Sic etiam Vergil. Eglog. 8. Merim veneficijs & herbis se potuisse in lupum transformare canit. Multa ex historijs de his adfert Bodinus, sed à Catholica veritate non est ideo receendum. Plinius suo tempore etiam resert has fabulas fuisse in opinione quorundam lib. 8. naturalis histor. cap. 22. ubi ait. Homines in lupos verti: rursumq[ue] restitu i sibi, falsum esse cōfidenter existimare debemus: aut credere omnia, quæ fabulosa tot seculis compierimus. Unde tamen ista vulgo infixa sit fama in tantū ut in maledictis versipelles habeant, indicabitur. Euantes inter auctores Græciæ nō spretus tradit, Arcades scribere, ex gente Antei cuiusdam forte familia electum ad stagnum quoddam regionis eius duci: vestituq[ue] in queru suspenso tranare, atq[ue] abire in deserta, transfigurariq[ue] in lupum, & cum cæteris eiusdem generis congregari per annos nouem. Quo in tempore, si homine abstinuerit, reuerti ad idem stagnū, & cum tranauerit, effigiē recipere, ad pristinum statū, addito nouem annorum senio. Mirum

est,

est, inquit Plinius, quò processit Græca credulitas. Nullum tam impudens mendacium est, vt teste careat. Itaq; Copas qui Olympionica scripsit, narrat Demarchum Parrhasium in sacrificio, quod Arcades Ioui Lycaeum humana etiam cum hostia faciebant, immolati pueri exta gustasse, & in lupum se conuertisse. Meminit etiam huius narrationis S. August. li. d. c. 17. & ca. 18 suam sententiam rectè profert de hac mutatione, quæ cùm multum faciat ad instructionem profidei veritate, placet eius verba paucis ascribere. Sic incipit ca. 18. enumeratis in ca. 17. incredibilibus hominum commutationibus ex Varrone. Sed de istatanta ludificatione Dæmonum, nos quid dicamus, qui hæc legent, fortassis & expectant, quid Christiani agere debeant, quando inter idola gentium miracula fieri asseruntur. Et quid dicimus, nisi de medio Babylonis esse fugiendū? Quod præceptum propheticum ita spiritualiter intelligitur, vt de huius seculi ciuitate, quæ profecto & angelorum & hominum societas impiorum est, fidei passibus, quæ per dilectionem operatur, in Deum viuum proficiendo fugiamus. Quanto quippe in hæc imæ potestatem Dæmonum maiorem videmus, tanto tenacius mediatori est inhærendum, per quem de imis ad summam concendimus. Si enim dixerimus ea non esse credenda, non desunt etiam nunc, quieiusmodi quædam, vel certissima audisse,

vel

vel etiam expertos se esse asseuererent. Nam & nos cùm essemus in Italia, audiebamus talia de quadam regione partium, vbi stabularias mulieres imbutas his malis artibus, in caseo dare solere dicebant, quibus vellent, seu possent viatoribus, vnde in iumenta illicò verterentur, & necessaria quæq; portarent, postq; perfuncta opera iterum ad se redirent, nec tamen in eis mentem fieri bestiale, sed rationalem humanamq; seruari. Sicut Apuleius in libris, quos Asini aurei titulo inscripsit, sibi ipsi accidisse, ut accepto veneno, humano animo permane, asinus fieret, aut iudicauit, aut finxit. Hæc vel falsa sunt, vel tam inusitata, ut meritò non credantur. Firmissimè tamē credendum est, omnipotentem Deum omnia posse facere, quæ voluerit, siue iudicando, siue præstanto, nec Dæmones aliquid operari secundum naturæ suæ potentiam, quia & ipsa angelica creatura est, licet proprio sit vitio maligna, nisi quod ille permiserit, cui iudicia occulta sunt multa, iniusta nulla. Nec sanè Dæmones naturas creant, si aliquid tale faciunt, de qualibus factis ista vertitur questio, sed speciem tenus quæ à vero Deo sunt creata, commutant, ut videantur esse, quod non sunt. Non ita solum animalium, sed nec corpus quidem vlla ratione crediderim Dæmonum arte, vel potestate in membra vel lineamenta bestialia veraciter posse conuerti, &c. Ex his Augustini verbis clare ostend-

ostenditur, non esse veras, sed phantasticas  
transmutaciones. Ad idem fortius confirmandum  
facit ratio naturalis alia, quam facit Al-  
phons. Castrensi loco citato. Nulla forma sub-  
stantialis potest alicui materie velut illius for-  
ma vniri, nisi a solo illo agente, qui possit il-  
lam producere. Agens quod non potest for-  
mam substantialiem producere, nec potest et-  
iam illam materie vnire. Quoniam sic vni-  
endo videtur ipsum compositum ex materia  
& forma producere. At ineptia est maxima di-  
cere, quod aliquod agens producat aliquod  
compositum, cuius nec materiam, nec formam  
producere potest. Deus igitur, qui solus ani-  
mā hominis producere & creare potest, etiam  
solus potest illā postquam a corpore suo fuit  
separata, iterū eidem corpori vnire Nam alias  
ille, qui animā corpori vniret, hominē illum  
fecisse diceretur, quod nefas est dicere Dæmo-  
nem facere posse: Quia dicente Deo, faciamus  
hominē ad imaginē & similitudinem nostrā:  
Aperte nos docuit, ipsius hominis productio-  
nem tantam esse, ut propagatione seclusa, soli  
Deo conuenire possit. Deinde (quod erat  
August. in dictis verbis insinuare visus est) ani-  
ma humana tāē nobilitatis est, ut non nisi cor-  
pus humanum & organicum informare pos-  
sit, ut constat. Nam si quaelibet forma substancialis  
exigit certas dispositiones in materia,  
ut illam informare possit: Anima humana

pro.

profecto, quæ est nobilissima forma, maiores & nobiliores etiam requirit dispositiones, ut corpus organicum & lineam etis distinctum, ut illud informet. Quod autem arte Demonis tale corpus organicum verum, & potentia vi- tam habens tanta celeritate formari queat, ut anima ei vniatur, non est credendum. Dei autem potentiae non repugnat, cui omnis ma- teria subiacet, qui etiam de non esse omnia produxit: At creaturæ vlli tribuere, hoc est Deo proprium ei adimere, & creaturæ poten- tiæ creatoris ascribere, quod ad blasphemiam spectat.

Quod autem Bodinus magnam vim ponat in cap. 4. Danielis de Nabuchodonosore, qui ex hominibus electus, & sœnum urbos com- medit, nihil probat, quamuis Iosephus ante Bodinum occasione istorum verborum, quæ dixit (Et figura mea reuersa est ad me) puta- uerit Nabuchodonosorem regem non solùm in amentiam versum, sed & in bouem muta- tum, ita quod exteriorem figuram amiserit, indueritque bouinam. Sed Hieronymus in illud cap. Epiphanius, & communiter Docto- res Catholicæ tenent contrarium, ut rectè Dio- nys. Carthusianus in d. cap. attestatur, & di- cunt Nabuchodonosorem non formam, sed mentem & mores amisiisse. Nec textus dicit, quod in bouem mutatus fuerit, sed contra- rium aperte significat his verbis. Eadem hora sermo

sermo completus est super Nabuchodonosor,  
& ex hominibus electus est, & fœnum ut bos  
comedit, & rore cœli corpus eius infectum  
est: donec capilli eius in similitudinem aqui-  
larum crescerent, & vngues eius quasi auium.  
Igitur post finem dierum ego Nabuchodono-  
for oculos meos ad cœlum leuaui, & sensus  
meus redditus est mihi, & altissimo benedi-  
xi. Ex his verbis constat Nabuchodonosorem  
non verè mutatum in bouem, sed septem an-  
nis in amentiam versum, fœno & herbis more  
bouis in locis ab hominum conuersatione re-  
motis vixisse. Quod adfertur illud Genes. 19.  
& Luc. 17. de vxore Loth, quæ in pœnam pec-  
cati versa est in statuam salis, nihil ad proposi-  
tum est. Quia id diuina potestate, non crea-  
virtute factum est, Deus enim, ut suprà signi-  
ficatum, cum sit omnipotēs, potest vnam sub-  
stantiam in alteram transmutare. Fuit autem  
vxor Loth potius conuersa in statuam salis,  
quam aliam substantiam, ut pœna correspon-  
deret peccato, & vt in quo peccauerat etiam  
puniretur. Nam, vt refert Nicolaus Lyranus  
secundum Hebræos, fœmina ista vespere pre-  
cedent in soluit suo marito porrigitur sal ad co-  
dimentum ciborum pro angelis, quoniam in-  
star concium suorum Sodomitarum affe-  
ctum ad peregrinos nō habebat, id: circò in sta-  
tuam salis est conuersa. Nec etiam iterum sta-  
tua salis mutata est in hominem, sed mansit in

iua

sua natura: Et sic Ioseph. li. i. Antiq. Iudaicarū cap. 19. testatur se eam vidisse his verbis. Vxor Loth cùm respiceret sàpè ciuitatem, & eius curam haberet, interdicente Domino, ne faceret, in statuam salis conuersa dignoscitur. Vidi siquidem eam, hactenus enim manet.

Dicit aliquis: Cùm huiusmodi transmutationes verè & realiter non fiant, quomodo igitur apparent? Respondetur secundum Doctores, quod tantum secundum apparentiam fiunt, & hoc potest còtingere dupliciter: Vno modo ab interiori, potest enim dàemon mutarephantasiam hominis, & etiam sensus corporeos, ut aliud appareat obiectum, quàm sit. Id quod experientia constat fieri etiam ex caussis naturalibus. Nam videmus quod quandoque laborantes vehementissimis calidissimisq; febribus, cadant in phrenesin, vel mentis alienationem, & dicant se esse, quod non sunt: & cùm dàemon Deo permittente possit agere in corpora, nihil vetat, quò minus mediatis causis naturalibus, varias fantasias possit inducere. Alio modo ab extrinseco, ex parte sensibilis. Potest enim circumponere cuicunq; rei corporez quamcunq; formam corpoream, ut in eius specie videatur: vel res etiam veras supponere. Exemplum extat in vitis patrum. Quædam iuuacula ita extitit maleficiata à quodam Iudæo, ad instantiam cuiusdam iuuenis, cuius turpitudini satisfacere nollebat,

O

vt

vt omnibus videretur equa: ducta pro remedio ad S. Macharium, cuius sanctitatem reveritas non potuit latere, qui mulierem esse cernebat, & sic orans detegebatur illusionem: & iterum ab omnibus iuuacula cognoscetur. Dicebatur autem vir sanctus id ideo iuuenculz contigisse, quod non vacaret rebus diuinis, & Ecclesiasticis mysterijs.

Ex Conclusione & dictis iudicium summi potest, de mirabilibus effectibus, quos operabatur Simon Magus opere Dæmonum, de quibus Nicephorus lib. 2. hist. Ecclesiastica, cap. 27. Canem exire, & S. Petrum Apostolum humana voce ad se vocare iubebat. Ut statuæ mouerentur curabat, & in ædibus vala atque instrumenta domestica se sponte propria hinc inde transferebant, & ipse flammis circundatus non vrebatur. Ferebatur quoque volans in aëre. Ex lapidibus, fuco hominibus obiecto, panes faciebat. Draconis quoque formam induebat, & in varias animalium species mutabatur, duplice facie induitus conspiciebatur, (& paucis intere&tis) Nec ipse modò ad quam vellet transformabatur speciem, verum etiam alios quos voluisse, in variorum animantium formas mutabat, &c. Hæc Nicephorus.

*Magi pos-  
sunt ope dæ  
monum in-  
sunt potestate Dæmonum facere ranas, ser-  
penches*